

**2015 Rhif 1904 (Cy. 276) (C. 117)**

**TAI, CYMRU**

**DIOGELU DEFNYDDWYR,  
CYMRU**

**Gorchymyn Deddf Hawliau  
Defnyddwyr 2015 (Cychwyn Rhif  
3) (Cymru) 2015**

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn dirymu Gorchymyn Deddf Hawliau Defnyddwyr 2015 (Cychwyn Rhif 2) (Cymru) 2015 ac yn dwyn i rym, ar 23 Tachwedd 2015, Bennod 3 o Ran 3 (amrywiol a chyffredinol) o Ddeddf Hawliau Defnyddwyr 2015 ("y Ddeddf") at ddibenion sy'n weddill. Mae'r Gorchymyn hwn, felly, yn dwyn i rym ar 23 Tachwedd 2015 y darpariaethau hynny o'r Ddeddf nad ydynt eisoes mewn grym.

Mae Pennod 3 o Ran 3 (amrywiol a chyffredinol) o'r Ddeddf yn ei gwneud yn ofynnol i asiantau gosod i roi cyhoeddusrwydd i ffioedd perthnasol yn eu mangreoedd ac ar eu gwefan (os oes ganddynt un). Mae Pennod 3 hefyd yn darparu ar gyfer gorfodi'r ddyletswydd gan bob awdurdod pwysau a mesurau lleol yng Nghymru.

Daeth Pennod 3 o Ran 3 (amrywiol a chyffredinol) i rym pan roddwyd y Cydsyniad Brenhinol i'r Ddeddf ar 26 Mawrth 2015 at y dibenion o wneud rheoliadau.

Mae adran 87 (gorfodi dyletswydd asiantau gosod i roi cyhoeddusrwydd i ffioedd) ac Atodlen 9 (dyletswydd asiantau gosod i roi cyhoeddusrwydd i ffioedd: cosbau ariannol) o'r Ddeddf wedi eu cychwyn yn y Gorchymyn hwn. Mae Atodlen 9 yn darparu gweithdrefn ar gyfer apelau yn erbyn cosbau ariannol.

**2015 Rhif 1904 (Cy. 276) (C. 117)**

**TAI, CYMRU**

**DIOGELU DEFNYDDWYR,  
CYMRU**

**Gorchymyn Deddf Hawliau  
Defnyddwyr 2015 (Cychwyn Rhif  
3) (Cymru) 2015**

*Gwnaed*

*11 Tachwedd 2015*

Mae Gweinidogion Cymru, drwy arfer y pŵer a roddwyd gan adran 100(3)(b) o Ddeddf Hawliau Defnyddwyr 2015(1), yn gwneud y Gorchymyn a ganlyn:

**Enwi, cymhwyso a dehongli**

1.—(1) Enw'r Gorchymyn hwn yw Gorchymyn Deddf Hawliau Defnyddwyr 2015 (Cychwyn Rhif 3) (Cymru) 2015.

(2) Mae'r Gorchymyn hwn yn gymwys o ran Cymru.

(3) Yn y Gorchymyn hwn, ystyr "y Ddeddf" ("*the Act*") yw Deddf Hawliau Defnyddwyr 2015.

**Y darpariaethau sy'n dod i rym ar 23 Tachwedd 2015**

2. Mae Pennod 3 o Ran 3 (amrywiol a chyffredinol) o'r Ddeddf yn dod i rym ar 23 Tachwedd 2015 i'r graddau nad yw eisoes mewn grym.

3. Mae Atodlen 9 i'r Ddeddf yn dod i rym ar 23 Tachwedd 2015 i'r graddau nad yw eisoes mewn grym.

## **Dirymu**

4. Mae Gorchymyn Deddf Hawliau Defnyddwyr 2015 (Cychwyn Rhif 2) (Cymru) 2015(1) wedi ei ddirymu.

*Lesley Griffiths*

Y Gweinidog Cymunedau a Threchu Tlodi, un o  
Weinidogion Cymru  
11 Tachwedd 2015

---

(1) O.S. 2015/1831 (Cy. 267) (C. 115).